

Na osnovu člana 55. Zakona o organizaciji uprave u Hercegovačko-neretvanskom kantonu („Službene novine HNK“, broj 9/09), člana 34. Zakona o izvršavanju Budžeta HNK za 2025. godinu („Službene novine HNK“, broj: 4/25), Odluke o usvajanju Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2025. godinu, Vlada HNK broj: 01-1-02-986-1/25 i člana 31. Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2025. godinu, Vlada HNK, broj: 01-1-02-986/25, ministar poljoprivrede, šumarstva i vodoprivrede raspisuje

JAVNI POZIV
za podršku za mladog poljoprivrednika, jednog iz svake
JLS s područja Hercegovačko – neretvanskog kantona u 2025. godini

I. PREDMET JAVNOG POZIVA

Predmet ovog Javnog poziva je prikupljanje prijava mladih poljoprivrednika s područja Hercegovačko – neretvanskog kantona, za mjeru Podrška za mladog poljoprivrednika, jednog iz svake JLS, s ciljem podizanja nivoa proizvodnje na nivo samoodrživosti, povećanje kapaciteta poljoprivredne proizvodnje, promicanje dobre poljoprivredne prakse, razvoj poljoprivrede, ruralni razvoj sa naglaskom na demografskoj obnovi sela.

II. IZVOR I VISINA SREDSTAVA

Za realizaciju ovog Javnog poziva predviđena su sredstva u Programu utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2025. godinu.

Podrška za mladog poljoprivrednika iznosi 10.000,00 KM za jednog nositelja porodičnog poljoprivrednog gazdinstva ili vlasnika obrta iz svake JLS na području HNK.

III. PRAVO APLICIRANJA I KORISNICI

Pravo apliciranja imaju mladi poljoprivrednici sa područja HNK (nositelj porodičnog poljoprivrednog gazdinstva ili vlasnik obrta koji u trenutku podnošenja prijave za podršku ima navršenih 20 godina i mlađi je od 35 godina), a bio je upisan u RPG/RK do 2025. godine i ažurirao je podatke u RPG/RK za 2025.godinu.

Podršku u 2025. godini za mladog poljoprivrednika (po jedan iz svake JLS), može ostvariti nositelj porodičnog poljoprivrednog gazdinstva ili vlasnik obrta koji je u 2024. godini imao zasnovanu poljoprivrednu proizvodnju (biljnu/animalnu) na poljoprivrednom gazdinstvu upisanom u RPG/RK.

Korisnik podrške može biti po jedan mladi poljoprivrednik iz svake JLS na području HNK.

IV. KRITERIJI ZA BODOVANJE

Kriteriji za bodovanje poljoprivrednika su: broj godina, stečeno obrazovanje i struka, status zaposlenosti, površina zemljišta pod poljoprivrednim kulturama u 2024. godini (za poljoprivrednike koji se bave biljnom proizvodnjom) ili broj životinja u 2024. godini (za poljoprivrednike koji se bave animalnom proizvodnjom), proširenje kapaciteta

poljoprivredne proizvodnje u 2025. godini do 31.05.2025. godine (površine zemljišta pod poljoprivrednim kulturama ili broja rasplodnih životinja, košnica pčela), opremanje poljoprivrednog gazdinstva u funkciji poljoprivredne proizvodnje (nabavka opreme i mehanizacije na gazdinstvu za poljoprivrednu proizvodnju u periodu od 01.09.2024. do 31.05.2025. godine).

- a) broj godina na dan podnošenja zahtjeva (najveći broj bodova ostvaruje klijent/podnositelj prijave sa najmanjim brojem godina) - do 5 bodova, na način od 20 do 23 godine - 5 bodova; od 24 do 26 godina - 4 boda, od 27 do 29 godina - 3 boda, od 30 do 32 godine - 2 boda, od 33 do 35 godina - 1 bod,
- b) stečeno obrazovanje i struka (agronom, poljoprivredna srednja škola, drugi fakultet, drugo srednjoškolsko obrazovanje i ostali) – najveći broj bodova nosi agronom - do 5 bodova,
- c) status zaposlenosti (klijent/podnositelj prijave nema zasnovan radni odnos, klijent/podnositelj prijave ima zasnovan radni odnos) – klijent/podnositelj prijave koji nema stalni radni odnos dobiva veći broj bodova - do 4 boda,
- d) površina zemljišta pod poljoprivrednim kulturama u 2024. godini evidentirana u RPG/RK (za poljoprivrednike koji se bave biljnom proizvodnjom) ili broj životinja u 2024. godini evidentiran u RPG/RK (za poljoprivrednike koji se bave animalnom proizvodnjom). Koristit će se podaci iz RPG/RK i dokumentacije podnosioca prijave (opis kapaciteta poljoprivredne proizvodnje) – veća površina zemljišta pod poljoprivrednim kulturama nosi više bodova - do 5 bodova, a veći broj životinja - do 5 bodova,
- e) proširenje kapaciteta poljoprivredne proizvodnje u 2025. godini. Koristit će se podaci iz RPG/RK i dokumentacije podnosioca prijave (izjava o proširenju kapaciteta poljoprivredne proizvodnje u 2025. godini) – povećanje površine zemljišta pod poljoprivrednim kulturama do 4 boda ili povećanje broja rasplodnih životinja, košnica pčela - do 4 boda,
- f) opremanje poljoprivrednog gazdinstva u funkciji poljoprivredne proizvodnje- do 5 bodova.

U slučaju kada više klijenata/podnosioca prijave iz iste JLS ima jednak broj bodova podrška se dodjeljuje mlađem klijentu/podnosiocu prijave.

Ministar osniva Komisiju za provođenje ovog Javnog poziva. Komisija zaprima, pregleda pristigle prijave, utvrđuje blagovremenost, potpunost, prihvatljivost prijave, vrši bodovanje prijave u skladu sa kriterijima sačinjava rang listu koju sa informacijom dostavlja Ministru. Ministar donosi odluku o odobravanju sredstava za podršku za mladog poljoprivrednika, jednog iz svake JLS sa područja HNK. Odluka se objavljuje javno, u Službenom glasniku HNK, web stranici Ministarstva, web stranici Vlade HNK, što je istovremeno i obavijest svim podnositeljima prijave na ovaj Javni poziv.

V. OBJAVA JAVNOG POZIVA

Obavijest o raspisanom Javnom pozivu za podršku za mladog poljoprivrednika, jednog iz svake JLS s područja Hercegovačko – neretvanskog kantona u 2025. godini objavit će se u dvoje štampane dnevne novine, a cjeloviti tekst Javnog poziva objavit će se na službenoj stranici Ministarstva www.mpsv-hnz-k.ba i u Službenim novinama HNK. Informacije o Javnom pozivu mogu se dobiti pozivom na broj telefona, 036/445-914,

036/445-915, 036/445-917 ili putem e-mail adrese Ministarstva: ministarstvopoljhn@gmail.com.

VI. NAČIN PODNOŠENJA PRIJAVE

Prijava na Javni poziv za podršku za mladog poljoprivrednika, jednog iz svake JLS s područja Hercegovačko – neretvanskog kantona u 2025. godini podnosi se na obrascu koji je sastavni dio ovog Javnog poziva i sa priložima dostavlja u zatvorenoj koverti lično ili putem pošte na adresu: Ministarstvo poljoprivrede, šumarstva i vodoprivrede HNŽ-K, Hrvatske mladeži b.b. 88 000 Mostar, sa naznakom:

Ne otvarati „Javni poziv za podršku za mladog poljoprivrednika, jednog iz svake JLS s područja Hercegovačko – neretvanskog kantona u 2025. godini “.

Dostavljena dokumentacija se ne vraća.

Rok za dostavljanje prijave je 30 dana od dana javne objave Obavijesti o raspisanom Javnom pozivu u dvoje štampane dnevne novine i objave Javnog poziva na web stranici Ministarstva www.mpsv-hnz-k.ba.

VII. PRIJAVA I DOKUMENTACIJA NA JAVNI POZIV

Za sudjelovanje na Javnom pozivu podnositelj prijave mora dostaviti sljedeće:

1. Obrazac prijave na Javni poziv za podršku za mladog poljoprivrednika, jednog iz svake JLS s područja Hercegovačko – neretvanskog kantona u 2025. godini treba biti uredno popunjen i potpisan/ovjeren. Obrazac prijave na Javni poziv se preuzima sa web stranice Ministarstva www.mpsv-hnz-k.ba.
2. Dokumentacija (original ili ovjerena kopija) koja se dostavlja uz obrazac prijave:
 - a) kopija lične karte za nositelja porodičnog poljoprivrednog gazdinstva ili vlasnika obrta (neovjerena),
 - b) dokaz o stečenom obrazovanju (diploma, svjedočanstvo i drugo),
 - c) obrazac JS3100 o prijavi osiguranja - Porezna uprava FBiH (samo za podnositelje prijave koji imaju zasnovan radni odnos)- neovjerena kopija,
 - d) izjava podnositelja prijave pod punom moralnom, materijalnom i krivičnom odgovornošću o nezaposlenosti (samo za podnositelje prijave koji nemaju zasnovan radni odnos)- ovjerena kod nadležnog organa,
 - e) opis kapaciteta poljoprivredne proizvodnje na gazdinstvu u 2024. godini (površina, kulture, prinosi, broj životinja, vrste životinja, način plasmana poljoprivrednih proizvoda, rentabilnost poljoprivredne proizvodnje)- potpisan/ovjeren od strane podnositelja prijave,
 - f) izjava podnositelja prijave pod punom moralnom, materijalnom i krivičnom odgovornošću o proširenju kapaciteta poljoprivredne proizvodnje u 2025. godini do 31.05.2025. godine (površine zemljišta pod poljoprivrednim kulturama ili broja rasplodnih životinja, košnica pčela) - ovjerena kod nadležnog organa,
 - g) dokazi o nabavci opreme i mehanizacije na gazdinstvu za poljoprivrednu proizvodnju u periodu od 01.09.2024. do 31.05.2025. godine (porezna faktura i fiskalni račun izdan za obrt, a za fizička lica porezna faktura na ime klijenta-nositelja porodičnog poljoprivrednog gazdinstva i fiskalni račun). Faktura mora biti ovjerena i potpisana od prodavatelja,

h) rješenje o registraciji obrta (samo za vlasnike obrta).

VIII. ZAVRŠNE ODREDBE

Ministarstvo će sa odabranim korisnicima, po jedan mladi poljoprivrednik iz svake JLS sklopiti Ugovor kojim će se urediti međusobna prava i obaveze.

Broj: 03-20-477-4/25
Mostar, 26.05.2025. godine

